



**Broj:** 02-11-12663/24-1  
**Mostar,** 19.09.2024. godine

Na osnovu člana 43. Statuta Grada Mostara („Službeni glasnik Grada Mostara“, broj 4/04) i („Službeni glasnik Grada Mostara“, broj 8/09 i 15/10), i Sporazuma o prenosu finansijskih sredstava za finansiranje obnove i rekonstrukcije stambenih jedinica raseljenih lica / povratnika u gradu Mostaru između Komisije za izbjeglice i raseljena lica, Ministarstva za ljudska prava i izbjeglice BiH, Fonda za povratak BiH i Grada Mostara, Grad Mostar - gradonačelnik u svojstvu implementatora projekta, objavljuje:

## **JAVNI POZIV**

### **raseljenim osobama i povratnicima za podnošenje prijave za dodjelu donacija u građevinskom materijalu**

#### **I.**

Predviđena visina sredstva iz potpisanog Sporazuma, iznose 10.000,00 KM. Izbor korisnika odnosi se na dodjelu 2 (dvije) donacije.

Predmet obnove i rekonstrukcije stambenih jedinica raseljenih osoba i povratnika odnosi se na:

- a) obnovu krova i krovne konstrukcije,
- b) sanaciju unutrašnjih prostorija,
- c) sanaciju postojećih unutrašnjih i vanjskih zidova i otvora na stambenoj jedinici,
- d) ugradnju i sanaciju elektro, vodovodne i kanalizacione instalacije, vrijednosti do 5.000,00 KM po korisniku, čijom bi se ugradnjom, od strane korisnika donacije, stekli minimalni uslovi za stanovanje ili poboljšali postojeći uslovi stanovanja a u skladu sa utvrđenim standardima. Dodatno finansiranje po stambenoj jedinici iznosi do 25 % od vrijednosti pojedinačne donacije a služiti će za pomoć korisniku u ugradnji doniranog materijala a što se sufinansira novčanim sredstvima od strane Grada Mostara.

#### **II.**

Rok za podnošenje zahtjeva je **15 dana** od dana objavljivanja Javnog poziva u dnevnoj štampi.

#### **III.**

Prijava za dodjelu donacija u građevinskom materijalu sa popunjenim obrascem prijave/izjave i pratećom dokumentacijom kojom se dokazuje ispunjavanje svih općih i posebnih kriterija, dostaviti na protokol Grada Mostara svakim radnim danom od 8:30 do 13:00 sati, ili poštom na adresu: Grad Mostar, ulica Adema Buća br. 19, 88000 Mostar, sa naznakom „**ZA JAVNI POZIV raseljenim osobama i povratnicima za podnošenje zahtjeva za dodjelu donacija u građevinskom materijalu – NE OTVARATI**“.

#### **IV.**

Kandidati koji podnose zahtjev za dodjelu donacije obavezni su uz zahtjev priložiti dokumentaciju iz općih kriterija propisanih Zakonom o raseljenim osobama i

povratnicima u Federaciji BiH i izbjeglicama iz BiH i Uputstva o načinu i procedurama odabira korisnika projekata povratka i rekonstrukcije stambenih jedinica ("Službeni glasnik BiH", broj: 48/06),

Opći kriteriji za utvrđivanje potencijalnih korisnika prava pomoći u rekonstrukciji stambenih jedinica su:

1. **da je raseljena osoba ili povratnik** (rješenje o statusu raseljene osobe, uvjerenje o statusu povratnika izdat od nadležne gradske službe);
2. **da je raseljena osoba iskazala namjeru za povratkom** (prijava o dobrovoljnom povratku ili izjava podnosioca iz obrasca prijave);
3. **da je utvrđen status vlasništva ili stanarsko pravo nad stambenom jedinicom koja je predmet rekonstrukcije** (ZK ili posjedovni list, ne stariji od 6 mjeseci);
4. **da je na dan 30.04.1991.godine imao prebivalište u stambenoj jedinici koja je predmet rekonstrukcije** (uvjerenje iz MUP-a);
5. **da se stambena jedinica koja je predmet rekonstrukcije smatra neuslovnom za stanovanje, u skladu sa odgovarajućim standardima o minimumu stambenih uslova** (izjava podnosioca iz obrasca prijave);
6. **da on i članovi njegovog domaćinstva iz 1991. godine nemaju na teritoriji BiH drugu stambenu jedinicu koja se smatra uslovnom za stanovanje, u skladu sa odgovarajućim standardima o minimumu stambenih uslova** (izjava podnosioca iz obrasca prijave);
7. **da nije primio pomoć u rekonstrukciji, dovoljnu da zadovolji odgovarajuće standarde o minimumu stambenih uslova** (izjava podnosioca iz obrasca prijave).

Pored navedene dokumentacije iz općih kriterija (originali ili ovjerene kopije) uz zahtjev neophodno je priložiti i sljedeće dokumente: **kućnu listu, kopije ličnih/osobnih karata, CIPS prijave adrese za sve punoljetne članove – na adresama kuće/stana za koje se traži donacija a rodne listove za sve maloljetne članove porodice i dokaze iz posebnih kriterija koje dokazuju pripadnost ranjivim kategorijama (porodice poginulih, RVI, teže hronična oboljenja ili druga oboljenja)**

Obrazac zahtjeva se može preuzeti na protokolu Grada Mostara ili u nadležnoj gradskoj službi za pitanja raseljenih osoba i izbjeglica.

#### V.

Komisija, koju je imenovao gradonačelnik Grada Mostara, izvršit će pregled svih prijava, izvršiti odabir korisnika koji ispunjavaju opće kriterije, te nakon obilaska i uvida u stanje stambenih jedinica i potreba na terenu, sačiniti listu potencijalnih korisnika donacija.

#### VI.

Komisija će nakon evaluacije zahtjeva, obilaska i uvida u stanje stambenih jedinica podnosioca zahtjeva koji ispunjavaju opće kriterije, napraviti listu potencijalnih korisnika donacije. Komisija zadržava pravo da vrši provjere zahtjeva kandidata.

Rok za podnošenje prigovora na preliminarnu listu korisnika donacije je 10 dana

Rezultati konačnog odabira korisnika donacije bit će objavljeni na oglasnoj ploči Grada Mostara.

Gradonačelnik

Mario Kordić